

136

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 58. stav 3., a u vezi s članom 131. stav 1. alineja 2. Zakona o policijskim službenicima Hercegovačko-neretvanskog kantona („Službene novine HNK“, broj: 9/07), Vlada Hercegovačko-neretvanskog kantona je na 53. sjednici, održanoj 20.5.2010. godine, donijela

UREDBU

O TEKSTU I NAČINU POLAGANJA ZAKLETVE POLICIJSKIH SLUŽBENIKA HERCEGOVAČKO-NERETVANSKOG KANTONA

Član 1.

(Predmet)

Ovom Uredbom propisuje se tekst zakletve i uređuje način polaganja zakletve policijskih službenika Hercegovačko-neretvanskog kantona.

Član 2.

(Tekst zakletve)

Tekst zakletve glasi:

«Svečano izjavljujem da ću se u svom radu pridržavati Ustava i zakona Bosne i Hercegovine, Federacije Bosne i Hercegovine i Hercegovačko-neretvanskog kantona, da ću dužnosti i obaveze policijskog službenika vršiti savjesno i odgovorno, da ću svim svojim snagama štiti prava, slobode i sigurnost svih građana i da ću poslove i zadatke policijskog službenika odgovorno izvršavati i u slučajevima kada izvršavanje tih poslova i zadataka dovodi u opasnost moj život!».

Član 3.

(Polaganje zakletve)

Policijski službenik polaže zakletvu prije početka rada na policijskim poslovima, odnosno prije stupanja na dužnost policajca ili mlađeg inspektora.

Član 4.

(Način polaganja zakletve)

(1) Polaganje zakletve se obavlja na zvaničnoj ceremoniji, po prethodno utvrđenom protokolu i to pred ministrom unutrašnjih poslova i policijskim komesarom.

(2) Protokol, vrijeme i mjesto polaganja zakletve utvrđuje ministar unutrašnjih poslova, na prijedlog policijskog komesara.

Član 5.

(Zastava, grb i himna BiH prilikom polaganja zakletve)

(1) Na svečanoj ceremoniji iz člana 4. stav (1) ove Uredbe, zastava i grb Bosne i Hercegovine i Hercegovačko-neretvanskog kantona, postavljeni su na vidno centralno mjesto.

(2) Na početku zvanične ceremonije polaganja zakletve intonira se himna Bosne i Hercegovine.

(3) Policijski službenici zakletvu polažu uniformisani, u stroju i obavezno u stavu «MIRNO».

Član 6.

(Izuzeci u načinu polaganja zakletve)

Izuzetno od odredbi člana 5. ove Uredbe, polaganje zakletve može se obaviti i na drugi način za pojedinca ili manju grupu policijskih službenika, u slučaju prelaska na rad iz drugog policijskog organa, o čemu odlučuju lica iz člana 4. stav (2) ove Uredbe.

Član 7.

(Izjava o polaganju zakletve)

(1) Nakon obavljene ceremonije polaganja zakletve, policijski službenik potpisuje izjavu o polaganju zakletve.

(2) Jedan primjerak potpisane izjave iz stava (1) ovog člana odmah se uručuje policijskom službeniku, a drugi primjerak potpisane izjave ulaže se u personalni dosje policijskog službenika.

Član 8.

(Obrazac izjave)

Obrazac izjave o polaganju zakletve nalazi se u prilogu ove Uredbe i čini njen sastavni dio.

Član 9.

(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-921/10
Mostar, 20.5.2010. godine

P R E D S J E D N I K
Srećko Boras, s.r.

Broj:
Mostar,

Na osnovu člana 58. Zakona o policijskim službenicima Hercegovačko-neretvanskog kantona ("Službene novine HNK" br.9/07) u prisustvu ministra i policijskog komesara Ministarstva unutrašnjih poslova Hercegovačko-neretvanskog kantona, nakon polaganja zakletve policijskog službenika-ce, **p o t p i s u j e m**

I Z J A V U

Kojom ja _____ JMB _____ policijski službenik-ca
(Ime i prezime)
sa utvrđenim činom _____ postavljen-a na radno
mjesto _____
izjavljujem da sam položio-la zakletvu policijskog službenika HNK, dana _____
u Ministarstvu unutrašnjih poslova HNK u sjedištu, propisanu Uredbom o tekstu i načinu
polaganja zakletve policijskih službenika Hercegovačko-neretvanskog kantona.

Izjavu dao-la
